

Gij Nae Mbindoek Youq Ndaw Sei Ciuhgeq Haenx



Haetromh codoeng, nyoengx cueng muengh bae, seiqgyaiq lumjbaenz hwnz ndeu ndawde couh deng gij nae hausak haenx cwgoemq lo. Naefaiq baenz limq baenz limq mbinfifi, lumjbaenz duz cinglingz dwggayez nei, conndonj seizhoeng, mbindoek youq ndaw sei ciuhgeq. Vunz ciuhgeq ndiep nae, couh dangq nywjheu ngah fwncin. Gyoengqde youq ngoenz seizdoeng humx saeuq byoqfeiz, yaengx cenj gwn laeuj, da yawj gij nae mbin rogueng, ngonciengq ok baenz souj baenz souj sei daeuj. Gij sei neix couh lumj baenz fuk baenz fuk vehraemxmaeg, dawz gij gingjsaek seizdoeng caeuq cingzgamj bouxvunz doxhab youq itheij. Hawj dou con gvaq duzngaeuz cien bi haenx, maijyawj gij naefaiq daj ndaw

sei mbin daeuj haenx.

“Sawqmw h byonghhwnz rumzcin daeuj, cien go fanh go valeiz hai.” Gij nae laj bit vunz ciuhgeq, caenh dwg baenzhaenx lingzdoengh youh hamz-miz eiqsei. Youq ndaw souj sei neix, gij nae henz guek lumj seizcing unqswnh, lumj valeiz hoengghai gyaunde. Gij nae sawqmw daeuj daengz haenx, hawj vunz saetangq, hix caenh yienjok gij saenzgeiz aen swyenz.

“Douhaz sing ma raeuq, hwnz rumz nae vunz dauq.” Youq gyang-hwnz rumz nae doxgyaux haenx, boux canghsei Liuz Cangzgingh Dangzdai haenx, mboujdan dingqny sing ma raeuq, lij miz gij sing vunz byaij daj gizgyae dauqma dem. Gij yamqdin neix gaenjsisi byaijbae, baihnaj

lumjnaeuz miz aenranz heuh de, miz vunzcaen maqmuengh. Nae, yienz-naeuz daiqdaej mbwnheiq nitgyoet, hix daiqdaej le gij maqmuengh doxcomz.

“Goenggeq naengh ruzgyax, gag ep bya naedah.” Youq ndaw doz gag ep naedah Dangzdai sanjvwnzgyah Liuj Cunghyenz raizveh haenx, mbwndeih caemrdrwd, seiqlengq hoengqvangvang, naehung cwgoemq sojmiz singyaem caeuq rizdin, caenh miz goenggeq dog dinghcubcub naengh henzdah ep bya. Fuk veh neix lumjbaenz daiq dou haeuj aen cingsaenz seiqgyaiq youh godan youh nyangqnyw he, hawj dou yawjraen gij ndokgaengq caeuq gij damjliengh vwnzyozgyah. Nae, mboujdan dwg gij funghgingj aen swyenz, hix dwg gij ndaej beij naeuz cingsaenz vunz raeuz. De haenhndei vunzsei maenh lumj rinfanx, ngiengxngwd gag ak.

“Yaek doh Vangzhaz nae saek dah, yaek bin Daihangz siet goemq bya.” Naehung fung bya, roenloh yungyiemp, canghsei Lij Bwz vanzlij aeu bin Byadaihangzsan, cungj cingsaenz mboujlau yungyiemp, daih-damj doxbae neix, cungj cengqheiq aekgvangq, dwkhoenx gannanz neix, hawj vunz danqheiq caeuq saenqhwnj. Nae, dwg gij lokhawj swyenz, dwg gaujniemh sengmingh.

“Naehau dauq yiemz seizcin haemh, con gvaq mbawfaex mbinfifi.” Seizcin yienzbonj dwg aen geiqciet

fanhfaed ndiudauq ndeu, caengz liuh daengz dauq deng naehau ciengj youq baihgong bae. Canghsei Dangzdai Hanz Yi dawz naehau beijbaenz bouxvunz, naehau ienq seizcin daeuj ngu lai, doq gag bienq ndang baenz “va’mbin” ndonjbyaij youq geh faex ndaw gyanghongh. Cungj sienggingeix geizmiuq neix, hawj gyoengqvunz doiq gij yienghsienq naecin haenx engqgya rox liux, gamjsouj engq laeg.

Gij naefaiq mbindoek youq ndaw sei ciuhgeq haenx, dwkdoeng le aen douhung hawj dou doxrox gij cingzgamj canghsei haenx. Gyoengqde yungh gij vahcoenz genjdanh suglien caeuq gij yienghsienq sengdoengh haenx, dawz swheij roxyiuj swngghoz, doiq swyenz gingqcongh caeuq roxyiuj singqheiq vunzbiengz, sij ndaej saeqnaeh caezcien. Moix gawq sei, moix cih saw, lumjbaenz doek haeuj ndaw sim dou, hawj dou gamjsouh daengz gij cingzlaeg caeuq cinghseuq naefaiq.

Gij nae ndaw sei ciuhgeq, gag miz gag yiengh yinhfeih caeuq eiqsei laegna. De dwg godog, dwg ngeixnaemj, hix dwg gij raeujrub ndaw ranz, dwg gij dauhleix ndaw swngghoz. Hawj dou cehcimq youq seiqgyaiq naedoeng, gamjsouh faenh gyaunde caeuq simnyap doek youq ndaw sei ciuhgeq haenx.

(Goz Cinh raiz / Yinj Fuzgen hoiz)

Gingjsaek Lajmbanj

Lajmbanj lumjbaenz fuk veh saek lai, hawj vunz simmaez gwdgd; lajmbanj lumjbaenz hot fwen moqyat, sawj vunz simlangh ywdywd; lajmbanj lumjbaenz najriu daxmeh, dinghcoeb an’onj.

Mbwn ngamq wenj, sing gaeq-boux haen couh nyoegbyoengq gij caemdingh lajmbanj. Daengngoenz daj baihlaeng bya laeglemx loh’ok naj riu, lumj dahsau oiqnem najnyaenq ndeu. Gyoengq bya dak ndit, youq ndaw ndit saekgim, gyoengqvunz foenfoen daj ndaw fangzhwnz ndiu gvaqdaej, ngoenz nyaengqfoedfoed ndeu youh hainduj lo.

Daxbuz cuengq gyoengq bit gaeq senq foenggyu’gyu haenx, gyoengqde huzhaz roemx bae coh aen buenz gueng haeux. Hoeng gyoengqde yawjraen aenbuenz byouqbyangbyang, couh lumj duzbing nei nemhumx daxbuz. Gaeqboux gag diuq hwnj sangsausau, maqmuengh baengh aen ndang sang cangq bonjfaenh ndaej gwn gijgwn ndaw fwngz daxbuz gonq, duzbit baetnuij aen caeghangx luenz de deuzhumhum, gip dwk “ga ga” luenh hemq, gaeqmeh hix youq henz “gu gu” heuh mbouj dingz, roeglaej

“cici cetcet” youq gwnz faex yawj nauhyied.

Gwn ngaiz caeux le, malwg ranznden daeuj liuhranz. Meuzva iq yawjraen de, sikhaek gung hwnj aenndang, iet ok ganaj, daengx ndang bwn cungj daengj hwnjdaej lo, maenj “meuz meuz”, lumjnaeuz yaek caeuq duzde buek dai nei. Youq gwnz diegnywj gizgyae, gyoengq yiengz iq menhyauiyau gwn nywj, saek seiz “mbe mbe” heuh geij sing.

Gwnz loh iq bakdou, nungzminz gwed gvak yaek roengz naz, gyoengqde miz gangj miz riu, doxdongx. Gou riengz daxbuz daeujdaengz reihbyaek, byaekheu iq senq couh daj ndaw namh iet gyauij okdaej, geizheih yiekyiek yawj seiqlengq; duhgak riengz gij fwen ndaw rumz haenx, mbouj dingz fouxdoengh; aen gve daenj mauh, youq ndaw rumz ngauzged……Fuk gingj-sienq hoenghhwdhwd neix caen ndei lai lo. Gou caeuq daxbuz mbaet gij byaek baenz aeu haenx, gwnz naj cungj riunyumnyum.

Ndithaemh ngeng ciuq byasae, ingj hoengz le gij fwjhoengz henz mbwn. Gyoengq vunz guh hong reihnaz sat le boux riengz boux



dauqdaej, gwnz naj gyoengqde cungj miz riu, bineix wnggai lij dwg aen bi fungsou dem! Gwn caeuz le, miz mbangj vunz ok bae youz ga, doq byaij doq gangigoj; gyoengq lwgnyez guh cozyez sat haenx, buet daengz gwnz gvangcangz dwk lanzgiuz, guh’angq, buetbongh……

Mbwn laepmomj, ndaundeiq gwnz mbwn cix yaepda yepyp, ronghrib youq gwnz caz rum mbin bae

mbin dauq. Duzgoep mbouj rox ndoj youq gizlawz “gva gva” ciengqgo hwnjdaej, duzbid hix “ci ci” heuh riengz bak, lumjbaenz hot go coi ninzndaek nei. Youq ndaw sing duzgoep heuh, mbanjbya iq menh-men loq fangzhwnz vanswdsd.

Neix couh dwg aen lajmbanj gyaunde lumj sei lumj veh nei.

(Gyangh Mingzsenh raiz / Loeg Haijdaek hoiz)